

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126164](#)

occidere omnes sibi obviantes iussi sunt, inter eos, qui idolatriæ rei facti, de peccato non doluerant, Exod. 32. v. 19. 28.

Hæc mirabilis historia est, ex quâ perspicimus, quâm dissimiles & contrarias qualitates Moses & Christus habeant. Moses enim de monte descendens, zelum suum exercebat ob idolatriam, quam Israëlitæ cum vitulo aureo commiserant. Typus hoc fuit Legis, quæ nil nisi iram operatur Rom. 4, 15. & ministerium damnationis est, 2. Cor. 3, 9. Propterea quoq; Israëlitæ terrore percellabantur, quâd alterâ vice cù tabulis Legis de monte descendebat, metuentes illū accedere, quod spléderet cutis faciei ejus, Exo. 34, 29.

Sed in prælecto Evangelio audimus, quod Christus alio modo de monte descendit, non occidens, ut Mos.: sed tam leprosum, quâm paralyticum de morbo insanabili liberans & sanans. Quò indicavit, se magistrum esse salvationum, Es. 63, 1. missum à Deo, ut nos singulos de spirituali peccatorū leprâ liberare, & per vulnera sua sanare debat, Es. 53, 5. Sicut & mirabile fecit consilii, & multiplicavit sapientiam, Es. 28, 29. Ideò non metuēdus nobis est, sicut Israëlitæ Moses timuerunt, sed cum fiduciâ ad thronum gratiæ ejus adire possumus, ut misericordiâ consequamur, & gratiam in veniamus, in auxilium opportunum, Heb. 4, 16. Veluti audiimus in Evangelio prælecto, quod multa ipsi turba obvierat, & sequuta sit de monte dependentem, quam omnem partim spiritualiter concione suâ salvificâ, partim corporaliter manu suâ miraculosâ & omnipotente refocillata curavit.

Nos ad Evangelium ipsum accessuri, pro instituti ratione disceimus ex eodem:

- I. Αὐτὸν πολεῖται sive notitiam nostrī.
- II. Χριστὸν πολεῖται sive notitiam Christi.

J. J.

Exegesis.

Non sine ratione Evangelistæ & Apostolo Johanni, Christus Servator noster, ostenditur ut Rex, qui multas coronas in capite suo gestat. Apoc. 19. Hoc ipso enim non modò Majestas ejusdem in cœlo, in terrâ & sub terrâ indicatur, Phil. 2, 10. sed & multitudo beneficiorum, quibus in genere annum, & in specie credentes in omnibus tribus statibus sive hierarchiis egregiè coronat, Psal. 65. v. 12. Psal. 5. v. 13.

Ante quatuordecim dies statum Ecclesiasticum splendidâ coronâ ornavit, dum ipse velut Doctor eruditæ linguae, in templo Hierosolymitano in medio Doctorum sedens, primum Prophetici sui munera specimen edidit, tanto cum applausu, ut omnes auscultantes, orationis & responsi ejus admiratio ceperit, Luc. 2, 46. 47.

Ante octiduum conjugium consecravit, & præsentia suâ honorabili, primoq; miraculo, quod in Nuptiis Cananæis patravit, publicè probavit, statum esse ejusmodi, quem cum Patre & Spiritu sancto pergratum habeat & amet.

Hodiè in Centurione Capernaítico, qui præcipius belli minister Regius fuit, statum politicum & fidem ejusdem adèò predicit, ut in Israëltantam fidem non inventisse, asseveret: hoc ipso innuens, Politicum quoque statum sibinon displicere, modò juxta Dei verbum & placitum administretur. Non est enim potestas, nisi à Deo, Rom. 13. v. 1. Ideoque Christus in aulâ Suos habet, hæc ferina illa est, quâ mensim cœlestem decorat, dicit enim: De pinguibus convertam, Psal. 88, 23.

Nos hinc ansam nanciscimur, ad notitiam nostrī perdiscendam, quando expendimus:

I. Af-

I. *Afflictorum per fugium.* Uterq; enim & leprosus & Centurio, ille propriâ, hic servi sui miseriâ pressus, apud Christum auxilium querunt. Ille inquit: Domine, si vis, potes me mundare. Hic: Tantum dic verbum, & sanabitur puer meus. Uterque agnoscit Christum ejusmodi Dominum, qui potens est omnia facere superabundanter, quam petimus, Eph. 3. v. 20.

Varia procul dubio medicamenta illi adhibuerunt, sed infelici cum successu. Paralysis enim & lepra ejusmodi morbi sunt, qui non facile humanâ industriâ sanantur, si præsertim invaluerunt nimis & naturam superarunt. Iccircò optimè faciunt, quod ad Christum configuiunt, qui non valentibus, sed malè habentibus medicus venit, Matth. 9. v. 12. cuius mirifica, & omnipotentis manus mutatio est, Psal. 77. v. 11. Act. 10. v. 38.

Hic te proba, mi Christiane, an in calamitatibus & angustiis constitutus, solum Christi auxilium & solarium imploraveris?

Inveniuntur enim homines superstitionis, qui ærumnis pressi ad magos, pythones, & incantatrices configuiunt, exemplo Saulis, 1. Sam. 28. v. 8.

Huc omnes præcantationes, superstitiones & benedictiones pertinent, quæ à superstitionis superstitione adhibentur. Licet enim quandoque fiat, ut ægroti per hæc incantamenta reconvalescant: non tamen existimandum est, virtute sanandi illa polle, sed permittit id Deus Satana, in maiorem horum hominum poenam, 2. Thess. 2. v. 10. sic corpus sanatur, anima vero vulnerratur, & in damnationem præcipitur. Hinc graviter minatur Deus: Anima quæ declinaverit ad magos & ariolos, &c. Levit. 20. v. 6.

Nos potius cum paralytico & Centurione ad Christum nos recipiamus, qui est Dominus Deus, sanator noster, Exod. 15. v. 16. qui operatur salutem in medio terra, Psal. 74. v. 14.

Auxilium ejus est omnipotentissimum. Medicis desperantibus & omnibus medicamentis effectuarentibus, ipse vel verbulo morbos fugare potest. In manu enim ejus bona & mala, vita & mors sunt, Sir. 11. 14.

Auxilium ejus est præsentissimum. Civis Hierosolymitani in Ægyptum ablegabant, contra hostes Babylonios auxilium implorantes: sed melius multò fecissent, si ad Deum confugissent, qui non modò validâ manu ex Ægypto eos eduxerat: sed & gentes coram eis expulerat, regionemq; illis distribuerat. Ibi in propinquuo auxilium inventerent. Psal. 145. v. 18.

Auxilium ejus est solatio plenissimum. Hoc enim more utitur, ut tum demum succurrat, quando hominum auxilium desperatum est, uti videre est in tribus viris in ardente fornace, Dan. 3. v. 91. civibus Bethuliensibus, Judith. 14. v. 9. seqq. in muliere hemorrhousâ, Luc. 8. v. 4. aliusq;. Hoc ideo facit, ut postea auxilium ejus eo gratius sit, & homines annuncient opus ejus. Psal. 64. v. 10.

Quia igitur hoc nobis constat, media quidem ordinaria non contempnere; sed nec fiduciam in iis collocare debemus: Verum toti à Christo, velut infans ab uberibus matris pendeamus, ejusq; ope in æquo animo expectemus. Licet enim Paulus plantet, Apollo riger, tamen frustraneum est, nisi Deus dei incrementum, 1. Cor. 3. v. 6.

II. *Servorum obsequium.* Hoc Centurio prædicat, ad Christum inquiens: Ego homo sum, sub potestate constitutus, habens sub

sub potestate constitutus, habens sub me milites, & dico huic: Vade, & vadit: & alii: veni, & venit, & servomeo, fac hoc, & facit. Ejusmodi obsequio servi Dominis suis obstricti sunt, si liberaliter illi servire velint. Hinc Paulus Eph. 6. v. 5. seqq.

Hui exaniment se servitus addicti, servi, famuli & ancille, utrum & ipsi erga Dominos se itage serrent, iisq; debitam obedientiam & fidem praestiterint?

Hic meritò illud Poëta locum habet:
Rara avis in terris, nigroq; simillima
Cygno!

Sic omnem hodie reverentiam abe-
runt. Gehasi defraudat Dominum, ca-
piens munera à Naëman, quæ Dominus
suus respuerat, & ideò ab herò compella-
tus, negat, 2. Reg. 5. v. 16. Hagar despicit
Dominam præ fastu, quia Abrahamo da-
ta, Genes. 16. v. 4. Ziba calumniis one-
rat Dominum Mephiboseth, & hoc ipso
bona ejusdem impetrat, 2. Sam. 16. v. 3. Onesimus relicto Domino suo, abit, Phi-
lem. v. 11. Hæc exempla V. T. sunt. In
Novo autem non melius, sed deterius se-
res habet. Diabolus enim qui habet i-
ram magnam, Apocal. 12. v. 12. hæc quo-
que in parte minus ferriatur, per servitia
quoque truculentiam suam exerens, dum
plurimis, ut instrumentis suis in Domi-
norum detruimentum abutitur. Finis e-
näm mundi magis magisq; approparet, de
quo Micha prædictit, quod domestici ini-
mici ejus, Mich. 7. v. 6.

Centurionis servus fuit:

1. *Servus pius.* Quod inde constat, quia
Seniores Judæorum tam sedulò pro eo a-
pud Christum intercedunt, Luc. 7. v. 4. Sine dubio iis omnem benevolentiam ex-
hibit, nec minus sacris sedulò interfuit; id

grato animo recolentes, Christo eum com-
mendant.

Sic servitiis addicti, imprimis pietate li-
tare, & templum sedulò frequentare de-
bent, quo fundamentum in Christianismo
jacent, & parati semper sint ad satisfa-
ctionem omni poscenti rationem de spe &
fide, 1. Petr. 3. v. 15.

2. *Servus industrius.* Si enim dico: Va-
de, vadit: veni, venit: fac hoc, & facit, ait
Centurio. Idem fecerunt Eleasar, Genes.
24. v. 33. Jacob, Genes. 31. v. 40. Joseph,
Gen. 39. v. 4. armiger Jonathani, 1. Sam.
14. v. 6. 7. Abra, ancilla Judith, Judith.
10. v. 2. seqq.

Ast multi hodie inveniuntur, qui tan-
tum præ oculis serviunt, Eph. 6. v. 6. & ca-
stigati cum Hagar aufugiunt, Gen. 16. 6. Ideò maledictionem Dei incurvant, ut in
conjugio demum puniatur, quicquid in
servitiis delirant, sicut Gehasi, infidelis
ille Elisæi famulus lepræ infectus est, quæ
ei & omnibus ejus posteris adhæsit, 2. Reg.
5. v. 27.

Quod si verò servi fidelem operam Do-
minis suis præstiterint, non dubitent, quin
Deus bencicos Dominos excitatus sit,
qui omnem ipsis benevolentiam etiam
morbo correptis præstent, sicut Centurio
servo suo: imò sape contingit, ut præci-
paus aliquis pater-familias servo fideli fi-
liam in matrimonium collocet, aut consil-
lio adjuvet salutari, Prov. 17. v. 2. Die verò
novissimo ex ore Christi vocem amabilem
audient: Euge serve bone! Matth. 25. 23.

III. *Centurionis encomium.* Quia enim
coram Domino se humiliavit & dixit: Do-
mine, non sum dignus, ut intres sub tectum
meum: sed tantum dic verbum, & sanabi-
tur servus meus. Ideò mirabundus Je-
sus

sus sequentibus se, dixit: Amen dico vobis, non inveni tantam fidem in Israël.

In totâ Judæâ misera tum erat conditio. Pharisei enim fermento falsæ doctrinæ veram doctrinam corruperant, juxta Esaïæ querelam, c. I. v. 22. attamen supererant adhuc pii aliqui, ut Zacharias & Elisabeth, Luc. I. v. 6. Simeon & Hanna, Luc. 2. v. 25. 36. Nathanaël, Joh. I. v. 47. quorum sine dubio inter Apostolos, quos de mundo Christus elegerat, fuerunt, Joh. 15. v. 19. Act. I. v. 8.

Quod verò Gentilis homo eò pervenit, ut, si Dominus tantum unum verbum dicaret, verba ejus tantam virtutem habitura essent, ut servus infirmus iis sanitati restitueretur, crediderit, hoc rarum planè fuit: propterea quoque Jesus fidem ejus miratus est, nec satis commendare eandem potuit.

Hic probent se Christiani nostri, qui nomine nudo superbunt, annon Cenurio hic gentilis die novissimo, ruborem ipsis incusurus sit, qui velut ethnicus plura de Christo novit, quam Judæi vulgariter, & adhuc hodiè multi, qui de Christiano nomine glorianter?

Olim, cum Apostolus Atheniensium cultus divinos spectaret, inter alia aram offendit, in qua scriptum fuit: Θεος αγιος εστι, Act. 17. v. 23.

Hæc ara hodiè medios inter Christianos versatur, paucissimi enim Deum rectè agnoscent, & licet agnoscant, tamen factis negant, Tit. I. v. 16.

Cum Philippus cum Christo colloqueretur, inter alia petebat: Domine ostende nobis Patrem, & sufficiet nobis: & respondit Christus: Tanto tempore

vobiscum sum, & non cognovisti me? Joh. 14. v. 8. 9.

Ejusmodi Philipporum hodiè plurimi occurront, qui non modò tres: sed vel decem, viginti aut triginta annos scholam Christi frequentarunt, multasque egregias conciones de omnibus fidei articulis audierunt: & tamen sunt, sicut equus & mulus, quibus non est intellectus, Psalm. 32. v. 9. & de Christo, aut SS. Trinitate interrogatis mera ænigmata videntur, sicut Apostolis, Johan. 16. v. 25. nihilque horum intelligunt, Luc. 18. v. 34.

Verum hæc ignorantia vincibilis & affectata est, quæ nullam excusationem mereatur. Habemus enim scripturam sacram, in qua scrutari, & ex eadem utilia discere possumus, Joh. 5. v. 39. Præterea conciones ferè quotidiana habentur, in quibus Christus tam clarè nobis ostenditur, ut vel puer septennis comprehendere queat, Gal. 3. 1. idèo gravissima ratio redenda erit, quando Christus requiri, quid quilibet talento sibi concredito operatus & lucratus fuerit, Matth. 25. v. 14. & seqq. Joh. 15. v. 22.

Quodsi igitur animæ salus tibi curæ est, sedulò frequenta templum, & appropinqua, ut audias, Eccl. 5. v. 1. Prov. 2. v. 2. Custodi verbum auditum in corde tuo, Luc. 8. v. 15. loquere de eo, ac meditare die ac nocte, Psal. 1. v. 2. sic thesaurizabis tibi thesaurus in celo, Matth. 6. v. 20. Aurum enim & argentum æruginat, Jac. 5. v. 3. nec liberare valet, in die furoris Domini, Ezech. 7. v. 19. Teverò nosse, consummata justitia est, Sap. 15. 3.

De